

# mainatges d'òc **PLUMALHON**

**Explorators**  
al país  
del glaç




**Los tritons**



**Cossi funcionan  
Los avions ?**

**Gorrin e  
Pipaut**





L'alabrena d'aiga o triton palmat

Las granhòtas - o granolhas, graulhas - e los grapauds son del grop dels amfibis. Mas son pas los sols. En realitat, granhòtas e grapauds son d'amfibis qu'an pas de coa. Mas i a d'amfibis qu'an una coa e que son de l'òrdre dels urodèls. Es lo cas dels tritons que son cosins amb los grapauds, sabauds e autras granhòtas, granolhas, graulhas e ranas.

Tèxtes e fotografias de Fred Lavail

# Los tritons

En chò nòstre, podèm trobar cinc tritons diferents. Lo triton palmat o alabrena d'aiga es lo pus pichon de totes los tritons. Lo mascle fa pas lo desenat de centimètres de longor.

Lo gafolh es un triton crestut que viu sustot dins lo nòrd de França. La prima, al moment de la reproduccion, lo mascle pòrta una cresta que va del cap a la cima de la coa. A lo ventre irange.

La blanda d'aiga es un triton qu'a lo ventre irange e lo còs blau e negre. Es un triton pichon tanben. Coma los autres tritons manja d'insèctes, de vèrms e d'aranhas. Viu mai o mens sul meteís territòri que lo triton crestut.

Blanda d'aiga



Un triton crestut



Triton marbrat

Per poder veire de tritons, cal esperar lo periòde de la reproduccion. Es a aquel moment que van dins los pesquièrs per pondre.

Lo lausèrt d'aiga es un triton qu'a las patas de darrièr palmadas. Pòt nadar prigond dins l'aiga. Es la coa sustot qu'ajuda als tritons a avançar dins l'aiga.



Lausèrt d'aiga

Lo triton marbrat o lagremusa d'aiga viu sonque dins la partida oèst de França. Marbrat de verd e de negre, a una rega irange sus l'esquina. Es fòrt polit!

Coma lors cosins grapauds e granhòtas, se pòdon pas reproduir se i a pas d'aiga. Per las autras temporadas de l'annada, vivon sus tèrra e sòrton la nuèch per se noirir. La disparicion de las zònas umidas, molencs, sanhasses e paluns menaça los tritons e totes los autres amfibis.



Triton marbrat